

20

22



LARROTXENE
Kultur Etxea

LARROTXENE

Kultur Etxea

2022. urtean hasi ziren igogailua ipintzeko lanak, etxerako sarbidea egokitzeko, eta **Larrotxene Bideo**ren esparruan ekipamenduak eta instalazioak eraberritzeko lanak. Hori izan zen berritasunik eta baldintzatzailerik handiena Kultur Etxean, baina, hala eta guztiz ere, eta lanak udan hasi zirenez, zerbitzuek eta ohiko jarduerak beren martxan jarraitu zuten.

Alde horretatik, Larrotxene Kultur Etxeak pandemia aurreko jardunaren erritmoa hartu zuen berriro, eta hori parte-hartzaileen datuetan eta programazioan islatu zen. Kultur Etxe honen espezializazioak **Larrotxene Bideo** zerbitzuan hartzen du zentzu osoa, eta zerbitzu hori ondo aritu zen erabiltzaileei eta dinamikei dagokienez.

Eguneroko lanaz gainera -aholkularitza, material lagatzea eta prestakuntza-, zerbitzua irekita egon zen beren proiektu bai pertsonal eta bai kolektiboentzako laguntza bila Larrotxenera etorri ziren zinezaleentzat. Bistan da *Larrotxene komunitatea* deritzona Donostia Kulturaren eta Donostiaren beraren aktibo bat dela, eta 2022an zehar **300 bisitaldi** kudeatu ziren ikastaroetako

ikasleen multzotik kanpo, proiektu berrientzako **aholkularitzari** eta **maila teknikoko laguntzari** buruzkoak.

Eguneroko zerbitzuei dagokienez, batetik **materialen lagapena** dugu (52 lagapen 2022an), hala zerbitzu honetatik dinamizatutako ikastaroetan sortutako produkzioei nola kanpoko ikus-entzunezko beste lan batzuei, zeinak, berez, Larrotxene Bideoen koprodukzioak izan baitziren.

Autore-ikastaroei zegokien **prestakuntza-eskaintzari** buruz, esan 70 ikaslek hartu zutela parte, honako proposamen hauetan: **Pablo Maloren** *Dirección de cine*; **Michel Gaztambideren** *Guión avanzado*; **Iñaki Sagastumeren** *Producción audiovisual*; **Oskar Tejedorren** *Realización de documentales*; **Laurent Dufrecheren** *Teoría del montaje*; eta **Andoni de Carlosen** *Gidoiak*. Ikasleen balorazioa ona izan zen berriz ere; izan ere, ikasturtean landutakoa zenbait proiektutan gauzatu ikusteaz gainera, lankidetzan izan zen zenbait ikastaroren artean, ideia komunak sortu eta garatzeko, jakitea eta esperientziak partekatuta.



Den dena niretzat, Behi Bi's

Bideoaldiaren hamalagarren edizioak ikasturtean egindako lanaz gozatzeko aukera eman zuen, eta, Antzoki Zaharreko ohiko ekitaldian, ikus-entzuleek emozioa eta jakin-mina partekatu zituzten film laburren egileekin batera. Ikastaroen barruan, honako hauek proiektatu ziren: **Koadro goriari heldu, Plataforma, Minus 64kg** eta **Bonita**; Medialab-en **Gauero** estreinatu zen; eta gainera **Jone K** eta **La carga** koprodukzioak aurkeztu ziren. Lanok **Zinemaldiko** programazioaren barruan ere proiektatu ziren, eta bete egin zuten Truebako zine-aretoa, non Larrotxene Bideok bere tokia izan baitzuen.

Medialab proiektuak, zeinak *Learning by Doing* metodologiaren bidez garatutako kontakizun digitalak jorratzen baititu, lankidetzazko ikaskuntza sustatzen jarraitu zuen, eta bi proiektu jarri ziren martxan. Lehena, umorezko **websail** bat, euskaraz, zeinaren gidoiaren eta historiaren nondik norakoa zehaztu baitzen. Eta bigarrena, esandako **Gauero** film laburra, **Bideoaldian** estreinatua eta **Zinemaldian** proiektatua, non Larrotxene Bideoko zenbait ikastarotako ikasleek hartu baitzuten parte zientzia-fikzioan oinarrituriko lan kolektibo honetan

Larrotxene Bideo espazio irekia izan zen, halaber, Donostiako beste eragile eta erakunde batzuekiko lankidetzarako. Alde horretatik, 2022an lau ildotan jardun genuen. Lehena eta nabarmenena **Oihua!** ekinbidea izan zen, non gidoilari gazte batek euskaraz egindako film labur baten gidioa saritzen baita, fantasiaren generokoa. Proiektu horretan parte hartu zuten **Donostiako Sustapenak, Euskara Zerbitzuak** eta **Fantasiak eta Beldurrezko Zinemaren Asteak**, eta 2022ko edizioan **Igor Salutregi** izan zen irabazlea, **Azken partida** film laburrearekin, zeinak ireki baitzuen zinemaldi hori.

Bestalde, **Musikene**rekin, Euskal Herriko Goi Mailako Musika Ikastegiarekin, 2014an hasitako ildotik jarraitu genuen. Horrek esan nahi du

Musikeneko ikasleek Larrotxene Bideoko film laburren soinu-bandak konposatzen dituztela, eta Larrotxene Bideoko ikasleek, berriz, promozio-bideoak sortzen dituztela.

Beste bi lankidetzak ere izan ziren: bat **Begiradak** zine amateurreko jaialdiarekin, **Zinema eta Hezkuntza Foroan** parte hartuz, eta bestea **Euskaraldiarekin**, non ikasleek bideoak eginez parte hartu baitzuten, eta gainera ikus-entzunezko materiala ere laga zen.

Larrotxene Bideori dagokiona amaitzeko, nabarmendu dezagun egindako lan asko hautatuak izan zirela Espainiako zenbait zinemalditan parte hartzeko. Hain zuzen ere, **17 Santi 17** film laburra, **Oskar Tejedoren** *Realización de documentales* ikastaroan sortua, 2022ko Goya sarietarako hautagaia izan zen.

Kultur Etxea uztailean itxi izanari dagokionez, bertako jarduna bete-betekoa izan zen, eta ia 2020ra arteko martxa berdindu zuen. Larrotxene Kultur Etxea kalean bertan dagoen gunea da, auzoaren oso gertukoa, eta auzotar asko etorri ziren liburutegira, haurrentzako jardueretara...



Azken partida, Oihua!

Hurbiltasun eta harreman estu horren adibide, maiatzean, eurite handien eraginez urak Kultur Etxea hartu zuenean, auzotarrek lagundu egin zuten ura xukatzen eta eraikineko etxabea garbitzen. **Larrotxene Kultur Etxea** auzoaren parte da.

Oro har, **guneak gehiagotan erabili ziren** auzoko taldeen bilerak egiteko, bai eta Kultur Etxearekin zerikusia duten elkarteek ere: Besteak beste, **Bagerak** film laburrentzako sariak emateko ekitaldia egin zuen urte hasieran, **IZBEk** zozketa antolatu zuen bertako merkataritzari laguntzeko kanpainan, eta Kultur Etxeko zuzendaritzak ere hartu zuen parte.

Ildo beretik, **Intxaurrondo Kantuz** kolektiboak normaltasun osoz erabili zuen berriz ere Kultur Etxea astelehenero; aldiz, 2022an erabaki zen **Lagunekin Kantari** ekinbidea Intxaurrondon egitea eta, horri esker, jende gehiago sartu ahal izan zen, aretoa handiagoa izaki. 2023rako utzi zen Larrotxenera itzuliko ote zen ala ez erabakitzea.



Bagera sariak emateko ekitaldia



Bi ipuin, Tomaxen Abenturak



Luze edo Motz, Idoia Torrealdai eta Mirari Martiarena, Emakumearen Astea

Arte eszenikoei dagokienez, batez ere haurrentzako eskaini ziren saioak, baina izan ziren helduentzako eta familientzako proposamenak ere. Martxoan, eta **Emakumearen Astearen** barruan, **Idoia Torregaraik** eta **Mirari Martiarenak** **Luze edo motz** lana eskaini zuten. Eta apirilean, auzoko beste eragile batzuekiko koordinazioaren ondorioz, **Korrikan** parte hartu zen, **Garikoitz Kortabitarteren** **Buah txabal** bakarrikzeta

komikoarekin. Eta helduentzat izan zen **Nerea Arriolaren** **Carmenen zain** lana ere, Aiton-Amonen Etxean, Larrotxene parean.

Haur eta familientzako antzerkiaren programan, proposamenek oso harrera ona izan zuten, harritu ere egiteraino beren berritasunagatik: **BehiBi'sen** **Den dena niretzat**; **Patata Tropikalaren** **Enperadorearen kondaira**; **Tomaxen** **Abenturaken** **Bi ipuin**; eta **Madiber** magoaren **Magiaren kutxa**.



Magiaren kutxa, Madiber magoa

5



Buah Txabal, Garikoitz Kortabitarte, Korrika



Emozioen magia, Mago Eriz



Txikiringito

2022an, berriro jardun genuen jaien batzordeekin elkarlanean, jaietako jardueren programazioa zabalduz. Bidebietan, non Larrotxene Kultur Etxea Udaleko Gazteria zerbitzuekin batera aritu baitzen, bi antzezlan eskaini ziren: bat, **Eriz magoaren *Emozioen magia***; eta bestea, **Zirkun Zirko** konpainiaren ***Bidaibizitzen***. Eta Intxaurreko Zaharlean, irailean, bi musika-proposamen izan ziren jaietan: **Txikiringito** izan zen lehena, eta **Xukelak** taldearen kontzertu oso interesgarri bat bestea.

Amaitzeko, esan dezagun **Liburutegi** zerbitzua pandemiaren aurreko dinamikara itzuli zela, eta bisiten datuak onak izan zirela. Kultur Etxearen inguruko ikastetxeek berriro eskatu zuten liburutegian parte hartzea, eta lanak zirela-eta zentroa itxi arte, **Liburu Baby Kluba** saioak egin ziren txikientzat.

Donostia Kulturaren prestakuntza-eskaintza orokorraren barruan, Larrotxene Kultur Etxearen datuetan eragina izan zuten, batetik, 2021-2022 kanpainan pandemia-egoeratik irteteak, eta, bestetik, 2022-2023 ikasturtean lanen egoerak. Ikasturte horretan, eskaintza gutxitzeaz gainera, ikastaro batzuk Intxaurreko Zaharreko Bizilagunen Elkartearen (IZBE) aretora eraman behar izan ziren, eta Larrotxene Bideorenak Intxaurreko Kultur Etxera. Ohiz kanpoko egoera izan zen, baina, hala eta guztiz ere, irailean proposatutako ikastaro guztiek egin zuten aurrera.



Bidaibizitzen, Zirkun Zirko



Grupo Xukelak

JARDUERAK

5

Antzerki (emanaldiak)
217 erabiltzaileak

0

Zine (emanaldiak)
0 erabiltzaileak

17

Bilerak eta
elkarteen ekitaldiak
252 erabiltzaileak

0

Gaztelekua
0 erabiltzaileak

0

Dantza (emanaldiak)
0 erabiltzaileak

0

Hitzaldiak eta
mahai inguruak
0 erabiltzaileak

26

Liburutegiko
jarduerak
262 erabiltzaileak

0

Haurtxokoa
0 erabiltzaileak

3

Musika (kontzertuak)
229 erabiltzaileak

0

Erakusketak
0 erabiltzaileak

0

Plus 55
0 erabiltzaileak

0

Bestelakoak
0 erabiltzaileak

Guztira

51

Jarduerak

960
erabiltzaileak

7

ZERBITZUAK

7.118

bisitaldiak
Liburutegia

0

bisitaldiak
Haurtxokoa

0

bisitaldiak
Altzako bilduma web

1.585

bisitaldiak
Bideo tailerra

0

bisitaldiak
Ikasgela

0

bisitaldiak
Kzguna
(Nabigazioak)

0

bisitaldiak
DK Irratia web

0

bisitaldiak
Musikagela

0

bisitaldiak
Gaztelekua

0

bisitaldiak
Altzako bilduma

0

bisitaldiak
Ispilu beltza
magazine-podcast

0

bisitaldiak
Musika Eskola

0

bisitaldiak
Plus 55

Guztira

8.703

BISITALDIAK

PRESTAKUNTZA

Ikastaro eskaintza Osatutako ikastaroak Erabiltzaileak Emakumeak Gizonak

GUZTIRA	20	16	285	215	70
2021-2022 IKASTAROAK	12	8	106	73	33
Ikasturte osokoak (2021eko urria - 2022ko maiatza)					
Egile ikastaroak					
Euskaraz	0	0	0	0	0
Gaztelaniaz	0	0	0	0	0
Ikastaro orokorrak					
Euskaraz	4	2	31	28	3
Gaztelaniaz	2	1	17	17	0
Bigarren lau hilabetekoak (2022ko otsailean hasita)					
Egile ikastaroak					
Euskaraz	0	0	0	0	0
Gaztelaniaz	4	4	45	19	26
Ikastaro orokorrak					
Euskaraz	0	0	0	0	0
Gaztelaniaz	2	1	13	9	4
2022-2023 IKASTAROAK	6	6	78	64	14
Ikasturte osokoak (urria 2022 - maiatza 2023)					
Musikagela, Larrotxene Bideo, DK Irratia					
Euskaraz	0	0	0	0	0
Gaztelaniaz	0	0	0	0	0
Ikastaro orokorrak					
Euskaraz	2	2	26	22	4
Gaztelaniaz	2	2	29	27	2
Lehen lau hilabetekoak (urria - abendua 2022)					
Musikagela, Larrotxene Bideo, DK Irratia					
Euskaraz	1	1	10	5	5
Gaztelaniaz	0	0	0	0	0
Ikastaro orokorrak					
Euskaraz	1	1	13	10	3
Gaztelaniaz	0	0	0	0	0
IKASTARO PUNTUALAK	2	2	101	78	23
Tailer, mintegi eta masterclassak					
Euskaraz	2	2	101	78	23
Gaztelaniaz	0	0	0	0	0
KZgunea IKASTAROAK	0	0	0	0	0
BESTE ERAKUNDEAK KZgunean	0	0	0	0	0

KULTUR ETXERA egindako bisitak
Guztira 9.663